

Christi Krybbe skoler  
Asgeir Olsen  
Vetrslidsalmenning 10  
5014 BERGEN

Dato: 11.06.2014  
Vår ref.: 2014/12157-11  
Saksbehandlar: elsaa01  
Dykkar ref.:

## Folkehelse og nærmiljøkvalitetar Christi Krybbe skoler Bergen kommune - tilskot 2014

Vi viser til søknaden dykkar datert 19.03.14. Vi er glad for å melde at Hordaland fylkeskommune løyver kr 65 000,- til prosjektet SFO og nærmiljøkvalitetar ved Christi Krybbe skole.

### UTBETALING

Beløpet vert overført så raskt som råd etter de har fylt ut og sendt inn vedlagt akseptskjema. Tilsegnsmottakar har ansvar for å kontrollere at utbetalt beløp er korrekt. Eventuelt for mykje utbetaling skal betalast attende snarast.

### VURDERINGSGRUNNLAG

Hordaland fylkeskommune fekk i 2014 kr 516 800,- til fordeling frå Helsedirektoratet. Det kom inn 8 søknadar innan fristen. Vi ser at vilkår og kriterier for tildeling er oppfylt for dykkar prosjekt, og etter ei samla skjønnsmessig vurdering får de tilsegn.

Søknaden er delvis innvilga med slik grunngjeving:

*Prosjektet har tydelige nærmiljømål, er eit langsiktig utviklingsprosjekt med kommunal forankring. Eit godt døme på samarbeidsprosjekt mellom skule og skulen sine råd, idrettslag med fleire for å fremje meir fysisk aktivitet inne/ute. Tiltaket er eit godt døme på inkludering også for borna som ikkje deltek i SFO. Tiltaket skal innarbeidast i årshjul for SFO 2014/15 og evaluerast fortløpande. Prosjektet har overføringsverdi som vidareutvikling av samarbeidsprosjekt mellom skule/frivillig sektor.*

### PROSJEKTGRUNNLAG OG ORGANISERING

Målet med prosjektet er i fylgje søknad Samarbeid TIF Viking & Christi Krybbe skoler – idrettslek og basisferdigheter. Kontaktperson for prosjektet: SFO leder Asgeir Eide Olsen.

### Godkjend finansieringsplan

Hordaland fylkeskommune 2014, budsjettområde Folkehelse – midlar frå helsedirektoratet	kr	65 000
Annan finansiering inklusive eigeninnsats og dugnadsinnsats ( 50%)	kr	32 500
Sum	<b>kr</b>	97 500

Evt: Beskjed om at budsjett ikkje godkjend og nytt må ettersendast før tilsegn utbetalast.

## VILKÅR FOR TILSKOT

- Tilsegnsmottakar må signere vedlagt akseptskjema og sende til fylkeskommunen så raskt som mogleg, og seinast **innan 3 veker**.
- Prosjektet må gjennomførast i samsvar med innsendt prosjektplan.
- Tilsegnsmottakar skal levere rapport og sluttrekneskap som nemnt under.
- Det er ein føresetnad at prosjektet vert finansiert slik godkjend kostnads- og finansieringsplan ovanfor viser. Om dette kravet ikkje er oppfylt kan tilskotet bli skjønsmessig avkorta, eller krevjast betalt tilbake.
- Midlane skal nyttast i løpet av 2014. Ved ubrukte midlar, ta kontakt innan **30.11.14**.

### Rapportering og sluttrekneskap

Seinast innan **10. desember 2014** skal tilsegnsmottakar sende sluttrapport og sluttrekneskap (sjå vedlegg) samt rapport med måloppnåing til Utviklingsseksjonen ved Hordaland fylkeskommune.

Sluttrapporten skal kort seie noko om fagleg måloppnåing: Sjå vedlagt rapport skjema.

### Kontroll

Mottakar av midlane skal gjere greie for interne og eksterne kontroll tiltak som skal sikre korrekt rapportering og måloppnåing ( til dømes interne kontroll aktivitetar, intern revisjon, autorisert revisjon/ikkje autorisert revisor). Krav om revisorkontroll fell vekk når tilskotsbeløpet er mindre enn kr 100 000.

Fylkeskommunen og fylkeskommunen sin revisor har når som helst rett til å kontrollere at midlane vert forvalta i samsvar med vilkåra i tilsegna. Vi gjer merksam på at de pliktar å gje fylkeskommunen og fylkeskommunen sin revisor dei opplysningane dei finn påkravd for sin kontroll. Riksrevisjonen har også høve til slik kontroll, jf. Stortinget sitt løyvingreglement §10.

### Klage/innsyn i dokumenta

Behandling av søknadar i tilskotsordninga vert ikkje sett på som enkeltvedtak, og i fylgje Forvaltningslova § 2, første ledd bokstav a og b, er det ikkje klagerett.

Vi gjer merksam på at de etter forvaltningslova har rett til å gjere dykk kjend med dokumenta i saka med dei avgrensingane som følgjer av §§ 18 og 19.

### Kontaktperson

Hordaland fylkeskommune sin kontaktperson for tilskotsordninga er Else-Marie Aarø tlf 55 37 80 29, e-post [else-marie.aaro@hfk.no](mailto:else-marie.aaro@hfk.no)

Fylkeskommunen ynskjer lykke til med gjennomføringa av prosjektet!

Med helsing

Bård Sandal  
Regionaldirektør

Else-Marie Aarø  
Spesialrådgjevar

Vedlegg: Akseptskjema  
Sluttrekneskapsskjema  
Fagleg rapportering (grunnlagsdokument for evaluering)

*Brevet er godkjent elektronisk og har derfor inga underskrift.*

Kopi til:  
Linda Guttormsen